



沽上題襟集

天津 胡睿烈 文錫原籍山陰

新柳三首

武昌門外雪初消又見枯槎出嫩條漸長欲迷青篾舫深  
遮未滿赤闌橋簾前千尺影猶瘦樓下數枝春獨搖還記  
秋江蕉萃甚東風不是舊時潮

晴絲一桁繞隄麗殺交垂岸々低細織輕烟當燕壘淡  
籠曉日照桃蹊長眉入鏡踈難畫短髮拖肩挽不齊昨夜  
景陽鐘度早隔林遙聽乳烏啼

年華何事最關情匹馬城西送客行尋得玉鞭還罷折歌

六  
一  
是  
不  
集  
吳齋  
一  
闌金縷忽斜橫也知積翠隨時換無那輕黃着眼明從此  
留連頃永日飛卷容易灑簾旌

坐攬翠軒聞早鶯

薊北鶯聲少朝來乍一聆紅樓春未啓越客夢初醒鴉管  
參差弄龍梭次第經故鄉歸不得芳草漫青青

種山亭圖為李同人題

亭面一峰高蒼翠落檐際風雨還自來應有雲滿地

以洞虛子簫貽查魯存并作長歌侑之

家有竹簫圓且直歲久深箴如淡墨晦潛不与常籟同養  
得陰人古初色有時秋月當階明涼露數點銀河橫臨風

自吹參差曲疾徐不減松間聲上有法王諸弟子條衣應  
器交相似或慈或猛形貌莊偏袒右肩趺兩趾我聞迦葉  
聞琴舞婆娑多生結習難消磨諸天未斷歿伽耳猶俯茹  
君鸞鳳歌東坡之贊太虛記細字蠅頭似針細逡巡膜拜  
逡巡觀繁手淫聲豈同例憶昔洞虛鏤此簫竹林幾度迷  
昏朝千尋奇材選數尺宛于瓦礫披瓊瑤六孔連珠合矩  
度明星的，遙呈露嗟彼質作徒辛勤窈取形骸失真素  
魯存故是神解人凡琴無絃常積塵木桃自愧難貽贈幸  
与吟聲早暮親宵來霖雨連繩滴綠草紛綸纏砌石焚香  
不捲北窗簾挂壁簫囊潤如濕

移居城南別河東鄰里二首

碌々鼠營室，翩翩燕巢梁。我生少安居，去住徒奔忙。昨止東郭里，今徙南城坊。蓋頭非廣廈，適意稱樂康。清晨兀家具，童僕走佞皇。殘書拾蠹簡，破硯填空箱。極知席門陋，幸免風雨傷。人生寄一榻，此外何所望。

臨行別隣叟，隣叟涕垂頤。憶昨初結舍，與君屋相比。稍々接顏色，握手成素知。叩門通水火，開軒論耘苗。如何一朝別，咫尺成睽離。憶昨初結舍，爾孫月方彌。彈指曾幾日，爾孫能誦詩。去々重搔首，林鳥歸高枝。

新居早秋晚雨初晴涼風適至爽然有作

天外陰雲退，林間暮雨收。竹虛清籟過，梧淨淡烟浮。錦字憑新雁，霜紈怯早秋。今宵南浦月，多在曝衣樓。

詠荷葉上露

秋露滿銀塘，高荷綴晚涼。擎將片碧玉，捧出百明珠。映月舒寒彩，搖風少定光。幽棲雙白鷺，濕盡縞衣裳。

中元日冒雨游海光寺分賦

海雲不散，曹騰暑天遣。豐隆變露雨，城南涸水一寸強。陡作洪河盪幽渚，桐葉銀牀日報秋。月輪已過穿鍼樓，癡蟾狡兔匿不出。重陰似幕圍芳洲，清機道人閒好事。呼童早促賓用至，戴笠同乘舴艋船。開帆遠向金銀寺，水深船重

波洄漩雨靛颯拉珠璣圓柳線潤拖紅錦幔萍苔濕透青  
琴絃梵鍾徐響精藍靜刺面風多單紵冷猶有殘荷浸碧  
漪倒涵佛屋高低影仰頭四顧心茫然平湖千頃連長天  
桑田滄海非浪語何須重問麻姑仙炊烟冉冉催歸棹  
笑擲金觥隨宿鳥熠燿紅燈一色齋行人誤指繁星繞短屏  
六幅秋糝糊守株兀坐誠迂愚何如醒作瀟湘夢親入城  
南雨泛圖

和魯存水西莊雨中雜咏八首之四

三兩絲禽立渚沙門前釣艇認漁家不知薇紫槐黃後開  
到金錢第幾卷

百轉吟靛通竹邊試秋最愛雨荷天隔隣自有如渾酒便  
醉蘇家藥玉船

向晚殘螢濕不鳴披蓑隨意遠闌行分明踈響過梧院都  
作瀟、落葉靛

緩引風燈更上樓多情應為夜涼留微雲故作十分狡斜  
露一彎銀漢秋

題查心穀重游上谷雜詩後

郎山々色翠螺浮選勝重登三板舟風帽兩巾烟水渡荷  
纓柳帶驛亭樓前遊池館空携屐行篋箋題半屬愁羸得  
新安橋下叟往來呼作泛波鷗

過慶國寺贈子憨上人

乘興來初地風高海色殷斜陽一磬度古道兩松閒  
雀子時依佛鮫人夜叩闕支郎無滯義相對舌如環

題沈石田乳鳥圖

石田畫鳥愛畫鳥畫鳥不畫白与蒼  
西出枝頭瘦弱雖枝枯少剩葉兩雖含飢眠未貼  
爾母覓食歸幾時遠枝不得徒傷悲  
烏有母烏反哺予獨何辜失其母西風落木無安  
栖月明怕聽烏夜啼

和汪西顛病中韵二首

十笏幽齋清淨因寒疴獨抱費酸呻  
月光澄夜當三五梅

影橫街憶癸辛湯說愁多添短髮也知病在得閒身  
登樓詞賦君休續我亦嶽寄磊落人

幾繩南雁隔窻過心怯難平煩惱魔轉燭時光空駐  
景虛舟生計久隨波雲山只合懸吟壁笋豆還思擁  
食籬羯鼓聲高殘臘近蹉跎長劍手頻摩

飲香兩席梅花下以竹外一枝斜更好分韵得枝字  
梅老本幽芳值此春初時踈光照戶牖清氣干心脾  
主人惜花冷携客觴瓊危列席卷四隅把酒對酌之  
我生非江南夢隔羅浮姿微聞縞素句空咏昏黃詩  
茲花獨孤出不畏尖風吹宛如姑射仙偶與瑤京辭  
韶華既有限謫仙亦

有期莫惜沈痛飲恐負頭上枝

過宜亭舊地二首

清絕城西路繁華幾日春管絃空語燕瓦礫但凝塵無復  
傳觴地猶多看竹人風流不可問飛絮滿河澗  
亂石支行徑蒼烟散客襟蕭條懷古意寂莫濟時心剝草  
遺荒壘驚濤撼舊林由來興廢地容易感登臨

上巳日登稽古寺藏經閣晚過水西莊

垂楊絲々搖素波蘭畦蕙渚春風多翠幘聯翩當畫出踏  
青齊唱同聲歌林谷墮林驚並鳥覺路沿尋到芳草城西  
梵宇尤寬閒人世紛華一時掃閣道盤旋倚碧空琅函深

鎖曇卷紅貝多葉疊五千卷緘鐫嚴于石室封傳自前元  
親勅賜談經曾有金人至零風碎雨幾百年守護靈真鮮  
遺字見性誰叅不二門湯將白法悟元言蓮老偈妙韻初  
朗栢子香清語不煩粥魚鳴處重闌靜闌外參差散幡影  
回望林巒一水閒心清早接菩提境脩竹森々乍出廬鳴  
泉瑟々溜階除也知眼底空明地大有胸中智慧珠松濤  
怒起茶烟聚雅背夕陽已在樹歸途遙指舊行窩入耳鈴  
韻落如雨

咏白丁香

瓊苞壘々亞枝空銀漢無波月正中幾度夜深尋不見玉

妃原在蓋珠宮

數帆臺曉雨望隔河村落

接岬高臺迥晨光入望微林巷和雨墜水鳥破烟飛去棹  
低帆席耕人濕草衣塵勞何用息海客本忘機

西沽舟中晚歸二首

野色綠汀暗春星映水流青烟沙岸樹白板酒家樓渙火  
東西出鷗波漱灑浮浩歌誰與和清興滿滄州

風定潮初上夷猶一棹閒魚跳驚舵尾人語隔村灣折柳  
聞遙笛吟懷憶小山夜游應不惜更載月同還

夏至日喜雨分賦得二十五有

流火初爍石陰伏陽在首端居苦觀書嬾發大小酉今曉  
曉色微層雲布深厚金光匝樹出殷々怒雷吼旋看天瓢  
翻洗我眉目垢雪浪卷簾箔霧縠蔽林藪繞檐漏箭直跳  
瓦碎珠走大似火宅離天宮敞踈牖清風舒我懷提壺命  
賓友晶盤堆珠櫻銀刀削卷藕詞成賦粉囊興酣泛冰酒  
光陰感白駒身世嘆蒼狗松脂服六宜綵符佩何有煩襟  
掃除盡浮白復一斗影落杯中虵涼生肘後柳隔葉聞墮  
蝸繞池散潛蚪荷笠歌烏々懷哉東南畝

曉晴

宵來梅雨繞茆堂曉暢徐褰透薄涼日色閃黃明曲牖苔



痕分綠上虛廊竹籠買得長魚美瓦釜炊成大麥香只少  
紫門對流水木蘭艇子憶江鄉

七夕同萬循初賦瓜果九首之四

中庭涼露淨靈果喜登盤乍擘紅冰碎旋分黑齒攢鐫燈  
誰得巧列網夜初闌只恐羅衣濕金釵不耐寒西瓜

小學頻婆樣應堪比荔奴半腮迎曉日一蒂絡圓珠王氏  
函封帖梁家夾竹圖月痕今夜落筵側怯臨摹來禽

洗車新雨過采々隔溪雲銳角牽萍綠浮莖亂水紋紫羅  
雙褶抱寒玉一弓分不見廣川女清歌何處聞菱

淺渚紅衣盡西風綠柄長迎秋多覆琰入夜少空房衣裹

霜蛾瘦心含麥顆香華顏如可駐肘後有遺方蓮蓬

雨後

雨後新涼薦葶衣匡牀獨卧漏聲微半簾卷影娟々月靜  
夜無人蝙蝠飛

桃巷口食鱸用王漁洋午食得鱸韻

舟行具食愛鮮美忽思四十吳淞鱸朝來苦師擊銅斗霜  
鱗恰值罾絲紆青錢三百買兩尾炊成配以薑牙菹堆盤  
雖無玉蓴脆流匙頗喜香杭腴何必江東曳歸棹乃足飽  
我饗餐徒灑鰯潞鯉市不少獨以銀鱠風味殊開尊便合  
酌旨酒游渚還與歌嘉魚偶憶漁洋好詩句分曹索和如

償逋吟成心共白鷗遠投筆一咲殺盧胡幾時持竿學漁  
隱沽口日夕臨清渠

秋雪

卷幔愁雲壓小闌未冬先釀十分寒坼綿難補荷衣破積  
素空憐雀影單鴻爪生涯隨日減柳巷心跡到秋殘遠堦  
濕處唯虛白怕作瀟灑暮雨看

洋菊歌

秋窮于三秋欲老羣芳閤淡迷荒町獨持冰霜有叢菊不  
與眾草同飄零邇來海外種更異年々移載從蠻舫水西  
園中得數種摘錦列繡環門庭閒時招我老下坐呼童快

倒覆玉餅牙籤蟬聯暑莫盡各自狡獪呈奇形猛如神獅  
掉健尾艷如野雉排踈翎晦如織阿隱遙霧皎如河漢橫  
春星輪困欲奪紫羅繖細碎豈數黃金鈴扶闌便可代行  
障繞檻早已遮山屏吁嗟海濱地闢遠劉范譜菊曾未經  
何為精華反充溢如鼓橐籥開其扇從來仙都富奇植每  
與人殊殊芳馨安知此菊非仙卉方壺負嶠儲英靈我無  
南陽飲水法難使華蓋生光熒作詩告花々不語西南月  
落寒蟲醒

雪夜用白香山五絃琴韻

飛雪橫窻來升降紅燈舞枯坐生皸皸凍手自摩撫庭竹

搖當檐葉人響急雨蒼白無人踪宵深聞雀語樂哉溫房  
溫誰念旅人苦飢鼠愁室窮鳥憐弱羽天意豈終塞寒  
暑迭相主三損問老梅條風幾時舉條風吹易盡高詠留  
萬古身在冰壺清何須念塵土

人日聞雁

南鴈當春返天涯路有餘幾家未歸客何處隔年書羽健  
雪消後聲高月墮初小樓人獨卧清怨入宵虛

冰泮詞

東風一夜瀛洲至百里瓊瑤如雁翅順流直下海門寬赤  
尾寒魚無地避羣雷鏗訇鳴大壑百轉千迴疑有意餘皇

萬斛衝波來撼落靈沙連岬嶼水仙盈々臨夜出凌波自  
振丁冬珮漢浦難尋交甫珠洛濱誰拾甄妃翠憶昨乘牀  
恣燕歡寒光萬頃如平地天上雲霞彈指開壺中樓閣須  
臾碎聞道江南草正青張帆願逐清流逝萬樹梅卷月未  
殘搃宜船小輕堪試

同陳寄瑤江皋香林苑懷王鍊師野雀

臨流仙宇靜散帙道心清石甃烟霞色林呼風雨聲吹笙  
人已去搗藥鳥空鳴欲就方壺隱誰同蓬頂行

和吳中林先生咏寶珠洋茶

荆桃猴李各爭叢也向輕寒占薄紅葉厚直疑青桂剪苑

深如簇絳紗籠陀羅名號堪呈佛兒女情懷故惱公自是  
海山留不住一帆遙送落梅風

送高宗山下第歸新城

直沽重泛舊觥船破涕相看一拍肩金石詩歌空擲地雲  
龍用可惜遙天雨留蘋葉浮沉外春在楊花去住邊莫怨  
青袍寥落甚歸山猶有下潮田

送田在田歸德州

大雅久仍翳君從宛委探儲書分甲乙結客半東南卜夜  
擬投轄忘年欣盍簪渭城情未極無奈唱何戡

藕香榭觀荷擬采蓮曲

朝采蓮子花如人暮采蓮子老如雲妾家湘湖隔烟水盪  
舟日在蓮花裏老光弄粉明朝霞不采湖邊並蒂花々開  
並蒂顏長好比翼鴛鴦花底遮拜老前花無語蓮葉圓蓮  
心苦

坐花香石潤之堂蕉葉成林新陰如幄以葉如斜界  
紙心似倒抽書平字分韻得書字

種蕉分暑稱閒居一徑繁陰覆石除裂帛般多風通後走  
盤珠落雨收初簾紋映綠波長短簾額侵雲帶卷舒最是  
夕涼宜小住自移髹几讀殘書

同作得心字

錢唐趙賢端人

芭蕉葉大漸成林坐我軒窗次第吟  
漫說非堅同刃影  
寂憐無盡有芳心  
結庵便擬消殘暑  
裁扇何妨分翠陰  
待得夜深涼月上  
雙棲不少並肩禽

望海寺

大河分流來瀛海作歸宿  
三汜實要津衆水奔行速  
有如羣侯朝一軌聚千轂  
紺園何煌々金碧燦東旭  
萬象森駢羅百靈衛周隩  
蛟鼉不敢驕怵惕久潛伏  
維時秋日清天宇淨寒玉  
喚渡一來游微風振林木  
鐘樓高崔嵬俯眺豁遠目  
安得浩蕩波盡洗襟袪  
濁仙人去我遙隱約三山  
綠長嘯可凌雲何必蓬萊  
麓

送張少儀還吳五首

作達休嗟蘿薜衣  
紛々名實總依稀  
采蘭歸去時  
偏好補就南陔願不違

一卷新詩如水清  
探源羣說謝宣城  
臨關讀罷月迎戶  
聽徹秋空雀唳聲

指畫龍鸞絕代奇  
家雞野鷺漫相嗤  
終須買取雲藍紙  
為我全書掘柘詞

幾載燕山汗漫游  
蓼花紅處屢經秋  
江東鱸膾鄉心切  
肯為殘鯖乞五侯

回首停雲思渺然  
清歌偏又唱離筵  
直沽一夜潮痕上  
願

作西流挽客船

惲哲長畫蠨歌

余生媿不生江鄉幸居沽水漁之梁暇時放舟過烟浦爬  
沙聲徹菰蒲涼清晨東市沸涎沫籠中歷碌森戈折大白  
蝓蚌小螿蟻石蝨蘆席紛雄張惜無韓滉好畫手畫加粉  
繪懸諸墻今朝忽得惲侯筆宛向沙濬拾其一螿間未肯  
拋殘蘆臍內還疑隱蒸栗夜燈照影恐入穴晝日臨窻懼  
投漆餘閒或補汀上花彷彿平田晚初出惲侯天韻與衆  
殊惲侯擲筆重長吁憶昨含毫試墨日懷園司馬傳新模  
初圖一二無寸似累百而後微相符乃知用志貴專壹藝

有小火無精粗秋風一夜秋波綠司馬墳前秋草宿空將  
絕技留人間獨許惲侯繼高躅今年雨調禾黍足穀穗纖  
纖滿團腹輕舟一葉兩槳隨把酒從君擘黃玉

落葉

落葉如愁掃復生蕭々偏向客心驚掠窻每逐寒雅影洒  
砌時催暮雨聲人世百年悲聚散天涯何處問枯榮後凋  
只有青松樹歲晚還多傲雪情

寒夜擁爐懷端人西顥在杭州

白板雙扉向夕扃木棉裘短夜冷々月寒寂愛凝殘雪酒  
濁難教聚客星竹院宵深鴻語斷風簾人靜燭花零踈狂

忽憶同心子獨向吳山對玉屏

霧淞曲

昨日霧淞色如霜今日霧淞色如雪千林一望光漫々盡  
向空中綴瓊屑我欲作曉霜觀曉霜無此清而圓樹頭樹  
底無不到封條裹葉相纏綿我欲作晝雪比晝雪無此薄  
而膩蒲梢苑尾皆沾粘繩影懸々欲垂地宵來大冷先微  
温朦朧不辨千村門啼鳥啞々出城角四檐佳氣紛氤氲  
朝飢緩誦南豐句盱斷溪西負手路張超市內術尤竒文  
豹山中隱終誤吾聞野叟言此是豐歲祥貧兒抱餓甕富  
者增倉箱積如銀聚如玉合如麩散如粟土膏肥甘雨渥

二麦多收畝十斛餅大如枰叟鼓腹羣雞亂鳴穀喔々更  
聽甌窶道菊祝

聞漁閣守歲得眠字

西抹東塗又四年周旋留得舊青氈宜春只用裁卷勝消  
夜何須厭歲錢竹榻吟深杯月盡玉爐香暖硯波圓賣癡  
獸過三更後一翦紅燈掃地眠

送青軒聽雨和循初韻

小雨催冬沒晦明空階聽盡一更々吹來檐溜無多響潤  
透春光是此般書幌寒侵和燭暗竹闌風過帶泉鳴微歛  
深夜誰家院猶撲紅爐炙翠筵

春曉二首

破曉卷疎簾餘寒觸袖入  
小雨幾時過青苔滿階濕  
隔窗桃始華時見粉痕瀝  
燕子不歸來春光欲歸去

上巳郊游和劉紫仙丈用韋蘓州西郊游宴寄贈邑僚李巽韵

草色繞芳甸鶯聲送瑤席  
熠燿林花明唼喋河魚憚游女  
盪蘭舟行人歌油壁俯仰得遐心  
翛然淡塵役酌酒臨荒祠  
擻管近佳夕晚歸須遲々  
衣上月痕積莫使紅雨深轉  
向春風惜

清明日心穀招游水西雨甚不果旋以小部新聲補

關江皋作詩記事予次其韵

水西花事太綠慳咫尺翻如夢  
裏山小巷賣錫春色暮長廊  
過雨蘚痕斑何妨絃管吹雲散  
不使樽罍咲客閒明日海棠  
還未謝料應翹首竚紫闕

小賦歌為魯存賦

春風宛轉老如綺幾度看花過  
燕市買來良馬小賦名滿身  
渾帶鐵色紫依稀果下駒骨相  
允馬殊玉池之水甘露芻食之  
千里不契需鹽車久困疇能撫  
今日長鳴識其主執御苟非人  
躡跳終遠去丈夫處世每畏名  
不揚安得知已使我心激昂一  
朝用之賢勞彰君不見燕昭王



藕香榭前試舟三首

黃卷魚上柳垂隄九曲池頭雙槳携荷葉如拳荇如帶一  
般船背貼青泥

梵字斜闌界石臺繫舟闌柱晚風回繁香忽墮衣痕濕吹  
過灘前白刺蘆

片雲停處波鱗々細雨催歸欲墊巾更補江南種菱曲秋  
來歌付採菱人

同作

烏程凌洪仁獻珍

袷衣初試麥鬢風挈侶山池放短篷恰似永和三月裏  
一杯浮在殼紋中

高下樓臺館畫廊小橋斜去接橫塘數聲啼鳩不知處  
幾點落卷明夕陽

千樹垂楊碧四圍輕雲澹沱雨霏微臨流泥飲忘歸去  
燈火城西半掩扉

芟竹以竒木萬品庶草千叢分韻得叢字

竹性喜踈散數竿已成叢人生不就理意与萋草同西園  
有修竹新放地十弓朝來命畦叟腰斧攢林中剪根去蟠  
結菱枝開蒙茸仰看葉弄影漸覺梢凌空譬彼滌深井疏  
鑿泉乃通豈無斲甃勞實有汲引功人生行胸臆何為塵  
垢蒙行將拾遺篠把釣臨清風

活上題襟集

放舟小直沽訪陳方來

宛平 查學禮 魯存

幽部呼扁郎扶杖尋野老聞居沙渚間一水空浩渺輕雲  
回岍樹細浪入汀草轉瞬逢衡茅脩竹菊四繞春風蕩晴  
和寐歷蘿逕窈門無卍角童庭有啄木鳥籐牀琴軫潤髹  
几爐烟裊交臂無閒言各問眠食好君昔家蘭陵早歲脫  
紛擾隱名謝人知潛德時自澡平生圖畫癖純雅去謀巧  
石谷君所師筆力出霞表北來數十年閉戶常却掃美玉  
困泥塗祥金誰見寶吾儒重素行志不在溫飽絕藝苟必

傳六足愜懷抱踈窓清景晚縑帛肆幽討坐君邱壑深覺  
我塵土少小園梅未落芳枝猶可拗明日期君來高歌振  
林杪

為汪西顥題花塢卜居圖

臨安富川巖諸峰在肘腋湖上多繁華西溪獨孤僻吾友  
愛靜閒結茆避煩劇選地得花塢于焉卜幽宅春初百卉  
競嘯咏忘百役泉汲清澗寒竹抽新筍碧我亦惜花人常  
懷古賢迹他日橫山堂與君接首席

諸葛銅弩歌

生不能回身挈脚隨材官手持白竹禽樓蘭又不能運斤  
削木隨巧匠采榦恒山入幽嶂窮年埋首事蠹書遠稽秦  
漢追唐虞昨朝市中偶得銅器一似簡非簡觚非觚邇來  
徧閱古器圖有物塊磊形相符云是諸葛武侯所製元戎  
弩用以左射右射從前驅青錢斑斑凝綠蕪圓軸宛轉如  
門樞箭槽一道中間刻惜哉今時無人解此器不然試之  
千步百步可廢馭韃弧淮南有遺語銅不可為弩其言荒  
誕無足徵視此尤堪醒愚魯武侯固是天上人留貽小物  
皆稱神銅鼓至今龔蠻服木牛當日通秦軍摩挲不置懸  
墻壁懶數黃間與白的渭水祁山杳無迹往事空吟籌筆  
驛君不見白帝城南沙磧中至今亂石生雲風

登稽古寺藏經閣二首

峻嶒高閣出城西  
百里晴雲接檻齊  
擬把清吟驚碧落  
不辭驕馬踏春泥  
魚般過收蓮梵貝  
葉函深覆錦緋  
莫信芳菲時節早  
隔林無限露鶯啼

矮屋衡門繞四周  
烟光俱向足間流  
平田乍見新蕪合  
遠水還看曉鏡浮  
綽約最憐綠岬柳  
清閒誰及卧沙鷗  
日斜鈴語當風急  
似喚游人更少留

新釀棗香露初熟獨酌賦此

小院巷深月正團  
憑闌對影酌柔瀾  
試他東老新傳法  
忘却西隣舊撲竿  
驗色已教紅似露  
吹香更喜靜于蘭  
海堧

應咲安期誤長使如瓜歲々乾

西顛招同汪博士胡文錫過水西莊予不果往以詩簡之二首

芳草如雲倦蝶魂  
春風幾度拂清樽  
恠余近日心情少  
開徧丁香未出門

河豚欲上柳三眠  
水北花南好放船  
有客不難期後約  
飭簫長繞夕陽前

春暮坐繡野窻三首

晴野春歸晚高齋  
燕坐宜蘆芽初刺  
岬荷葉欲抽池  
覓句開新徑  
尋花避亞枝  
朝來風力軟  
墻外去帆遲

擬就田居樂分畦傍綠波  
桔槔翻似溜蝌蚪聚成窩  
架小青藤密山平紫芥多  
鄰翁談稼穡植杖日相過  
空塔一雨後草色滿長廊  
鼠耳新槐綠蛾眉初月黃  
汲泉烹活火鼓棹試輕航  
何必深巖隱塵氛始盡忘

送徐魯南先生還宿遷

江東數耆舊落落晨星殘  
先生秉儒行舉世為冕冠  
昔者趨禁籞偉望標朝端  
簪筆比東馬搗文繼歐韓  
三千長牘奏九萬高風搏  
龍池柳正綠螭陞霞初丹  
中年偶息駕衡泌資盤桓  
三餘事搜討四庫儲緜紈  
晴軒據梧讀夜閣盈牀攤  
繩之榕村學振委揚其瀾  
宦書自天至碩學徵甘盤

前游續玉府新渥陪金鑿  
固知松柏質益被雨露溥  
朝來念初服結想歸河干  
安車上苑出祖帳東門觀  
豈曰豹隱霧實乃鴻漸  
磐西沾水清澈入海波  
湧蒼葭聚淺渚碧柳圍清  
湍維舟得信宿雅好通金  
蘭捧袂方告始離軫何遽  
彈嗟予志披謁夙昔銘腑  
肝吉光一羽覩寶過青琅  
玕惜哉良會但未罄平生  
懽鍾吾雲繞驛宿預卷盈  
灘興懷渺千里川塗鬱相  
蟠安得如澠酒時時祝加  
餐

秋日水西莊雨中雜咏八首之四

西莊開傍信安灣  
小結香茆屋數間  
自入秋來風雨驟  
蓊汀深處水潺湲

塘水迢々漾淺沙幾叢脩竹野人家愛他秋滿芭籬外帶  
雨斜開扁豆花

垂楊千樹繞隄邊隄歷長河浪拍天獨坐數帆臺上望群  
鷗飛過打魚船

舍南舍北萬蛙鳴紅板橋頭人獨行何處踈鐘傳遠寺隔  
溪頻送兩三聲

丁字沽阻風寄周月東

輕橈出烟浦流水疑回溪榜人樂佳日款乃吳靸齊雄風  
忽西下颯拉驚鳧鷺踈林折壞木駭浪喧危隄儼如百萬  
夫擐甲奔霜蹄亦如龍堂戰波底鳴蛟犀行葦委順運自

古無端倪默守得至正何須妄攀躋念我同心子咫尺通  
行蹊柴門對古道蕙草盈秋畦相依不相見引領孤雲迷  
危檣怨獨立轉柁寒淒淒參商偶間阻膠漆無終暌何時  
一樽酒痛飲傾偏提

荅魯存丁字沽阻風見寄作

天津周焯月東

結宇在河漕端居寡聞見秋涼襲衣袂黃卷已滿院清  
詩塵外至淨比激江練白雲何必遙咫尺山川間衡門  
落葉深老樹枯枝戰風定肯來游為君滌柔翰

送朱稼翁還秀水二首

九月清霜肅千林秋氣高歸帆隨雁序芳信訂魚刀有分

六上景和集  
茶垞  
五  
攀征袂無由聲濁醪層波流不返離思轉蕭騷  
遺經醜舫富萬軸溢鉛丹石室藏猶遜華林錄未殫傳家  
懷祖德殘卷待新刊側想讎書處金風亭正寒

雨後過慶國寺訪子憨上人

雁字堂開野水湄尋幽閒逐一帆移雲迷樹色連邨晚風  
引鐘磬出院遲斷砌雨收鳴蟋蟀空灘潮落走螭蜺病僧  
不解三車理携我踈寮論舊詩

謝家貢木惠梅里箋二首

清砧礪出女兒膚白々朱々色々殊益部蠻笺分十樣于  
今合讓小長蘆

吳根越角道途長千里煩君遠寄將却恐桓公譏不節鎮  
教傾庫上溪航

韻  
題沈石田乳烏圖用黃山谷觀劉永年團練畫角鷹

寒威侵人若勁敵川澤腹堅成癥癖北風掀々老樹搖零  
落踈枝剝空色上有啞々兩雉烏毛羽蒙茸未成翮昂身  
側目相向呼欲盪層霄苦無力數竿凍竹響樹旁四顧沈  
雲影蒼黑我疑斯景非虛無孰信長縑正懸壁問誰磊落  
寫此圖恰是石田真翰墨標題復有枝指生縱筆堪令山  
鬼嚇慈烏自昔與衆殊豈在卷冠共錦臆少小便懷反哺

心益見豚魚可誠格春林百鳥工媚人現耽聲多足憐惜  
對爾兩烏應抱慙雖有好音啼不得

城南冰泛歌

陸行利用車水行利用舟水陸用各利功力兩不謀朔風  
一夜闕南至河水吹高作平地處之牽船岍上居乘輿亦  
見中流濟漂榆城南寒月明石田萬頃霜稜生晶瑩倒射  
天影白七十二沽無水聲篙工楫師繞隄住伐木丁丁作  
牀渡或橫或直俱堅良不琢不雕守純素索綯纒之煩縲  
維織葦平之任分布獨行可學歌脚眠並坐何妨交臂語  
綠蟻既已篤招我同心儔參差出城闕共作南郊游碁布

星羅繞湖側凌風卧看玻璃色迅發渾疑鐵箭飛往來如  
倩金梭織須臾忽近招提境樓閣岌岌動幢影怪我初從  
鮫室來滿身猶帶珠光冷觥籌雜選催談咲殺喧唳不知  
銀漢淺惟見玉山頽八蜡祠前鳴社鼓遙聞似隔清靈府  
翻喜今年臘日長不須早喚春風舞斜洲有落暉烏鳥東  
西飛良時不可失奚惜秉燭歸復有輕雷鳴澗壑瑶天忽  
散銀花落此夜馮夷應不眠舉頭各羨人間樂人間何事  
無懽愉揆竒選勝隨所如他時欲問冰行路記取黃公舊  
酒壚

謝趙功千惠笋豆



一種山林味携來許共嘗  
笋根開玉版豆子坼青房  
乍出春厨脆遙知秋雨涼  
不須諛僂父儂六憶江鄉

春暮散步城東渡河遂過香林苑小憇田舍晚歸得

詩二首

撥醅新水滿塘坳  
灑晴光浸柳梢  
三月海螯初上市  
一春江燕未歸巢  
激懷豈必常高卧  
眺遠無妨出近郊  
寐歷紺園人不到  
隔墻閒聽梵鐘敲

嬾向高陽問酒徒  
耕漁相對日忘晡  
異書儘可懸牛角  
長劍休教佩鹿盧  
浦口炊烟行更淡  
林陰小艇渡還呼  
何時得就山中宅  
自剪荒榛闢芋區

針魚

長河漲新流漁艇終朝集  
針魚一寸餘亦使眾網及  
吹噓如有訴相响沫痕濕  
懷刺不善防翻同腐芥  
拾在昔後秦朝國師有羅  
什食針如食蔬觀者皆悚  
立何年化此魚饗娘恣所  
給物微各自愛生意常戢  
是以古誇池永無數罟入

五月晦日攬翠軒納涼

避暑無竒策開樽水竹間  
迎風紅藕密當檻白雲閒  
蟬聚聲如雨林深翠似山  
晚來廊外靜歌枕聽潺湲

題家二瞻伯山水冊子

老人筆下無纖塵畫山有色水有神晚年作手尤大進脫  
去皮膜存天真宋元妙墨無不擬專心獨愛倪迂體此圖  
幅之師昔賢前擬巨師後承旨吁嗟昔賢不可作老人亦  
久歸冥漠惟剩當年舊題識自喻平生苦心學青山子龍  
嶽碧水子冲融山中人子不可從勁風謾々搖孤松誰能  
置身圖畫中

秋日過一畝園感舊五首

滿目秋光落葉黃故家風物感蒼茫繁絃急管飄零盡惟  
有寒蟬噪夕陽

殘山剩水杳無多高下斜廊挂薜蘿尚想當年經始日萬

錢疊石與穿河

羅綺成叢轉盼空野花猶作舊時紅砌邊多少閒金翠寐  
莫荒煙蔓草中

三千珠履盡能文坐上雄譚蔚似雲朱亥侯嬴俱老去不  
知誰憶信陵君

今日登臨悵所思雁聲蛩語總添悲更憐紅墜樓前柳又  
被西風折幾枝

對月懷履方仲兄

窓前白月滿如輪入幌依々影倍親人隔關河音問濶夢  
隨鴻雁去來頻年華疾似壺中箭兒女長于膝下身為語

迎鑿江畔水幾時同許泛征輪

秋夜味古廬獨坐

商飈掠樹響騷々漸有寒威入敝袍  
滿院黃荅蛩語亂一  
窻明月雁聲高  
清名何必追龍腹  
妄念都如卷鷺濤  
聞說濁醪多妙理不妨左手更持螯

冬筍和吳中林

風雪空山正掩門誰知脩竹早生孫  
階前未見苔衣坼籬  
下旋看繭栗髡千里販來重解籜  
獨盤饋處廢蒸豚  
渭濱一飽非難得  
何日移家烟水村

讀南唐書四首

擾々中原日東南倚柱初盤根  
仙李大王氣秣陵餘節儉  
多遺則寬仁有令譽  
彭奴規畫遠拓跡盡淮徐

地逼思蠶食時平尚武功  
延津方得劍楚國又亡弓  
黃雀窺覩寒蟬覆蔭空  
數峰青峭色早晚掩屏風

願作龜茲國盈庭事宴安  
臣吟宮瓦曉君賦玉笙寒  
高髻看新製燒槽續舊彈  
誰知繡糕白汗上泣金盤

一代多忠節由來愛碩儒  
黃花終不漲白甲湯前驅  
客痛朝衣拜人稱夜宴圖  
翻思開國際隔水擁灰鑪

月夜自水西莊步至宜亭舊址望西淀冰間積雪

夏日恒苦熱冬日恒苦寒  
寒入骨當頭為愛月

影團踈林蕭騷無漏鼓隣火參差出墻堵連韋相應人未  
眠婦子喁々繞窻語緩行不覺步屨遠野沙吹黃枯艸短  
孤亭遺跡真茫然幾點殘甃蝕乾蘚君不見建章萬戶成  
荒墟阿房一炬如積蘓况此區々小亭榭廢興奚足生嗟  
吁隔河忽見琉璃國千頃清光凝碧色零星殘雪斷復連  
十丈剛風吹不得憶昨秋霖漲溢時銀濤欲卷扶桑枝漁  
舟款乃出支浦鷗鳥翩遷翔別陂即今晶々同平地赤鯉  
潛藏瘦蛟睡世間耐冷惟纖阿夜々遙推月輪至歸來朔  
氣生襟頰吠犬無鳴人更靜長嘯悲歌踏林影籠中臍膊  
雄雞醒夢入蓬山最高頂

以吳綾贈杭大宗有詩見寄即次原韵和答

海津風土異江左原田每々無桑麻道傷豈少棗與栗橫  
枝直榦空槎枒輪囷百貨仰南國築城適際河三义帆檣  
成林晝交會日暮厭聽吳音譁北人蠢愚異嗜好如屏膾  
炙探瘡痂輕羅細縠難得致搜求徃々金披沙去年和風  
動洲渚故人偶返南轅車攜持無多止數匹清絲密理質  
頗嘉忽思秋中有宿諾至今未踐成空花割茲貽贈慚素  
樸澹交原不須豪華得充短襦已幸矣何事反報瓊瑤加  
為言一百九十六再三熟讀忘其他一縑一字古所貴贈  
者何儉酬者奢同聲附吟聊道愧敢云鬪險相爭誇

謝魯存惠吳綾

仁和杭世駿大宗

舊年一裘破見肘今年一襖稀如麻衆人著夜取完備  
 獨我滿體生槎枒想因風火縫易拆或者韻苦手屢叉  
 如斯解嘲辭六妙于理不足祇取譁老妻紉針請補綴  
 凍手澁縮含皸痂到門先防石厲角入市屢犯囊盛沙  
 憑君冷眼忽窺破開口一握動左車直沽估船市三倍  
 吳綾白地光清嘉橫者尺五縮二丈濶幅朶々青蓮花  
 封書遺我三百里其辭質實幣頗華翩翩々紉紵逞衫服  
 令聞廣譽將安加吾儒志不在溫飽緼袍以外遑知他  
 未能免俗且學俗恐愧兒子矜豪奢亟呼縫人試新樣

朝元著向同官誇

春日游南溪以石門斜日到林邱平字為韵分賦得

林字

雲薄釀春陰名園近易尋水禽鳴有族野客坐無心溪淨  
 浮甍影墻低度梵音小橋時獨立殘照入深林

正月晦日集水西莊有懷趙端人萬敬懷循初兄弟  
 在都下

西莊尋禊事把酒坐沙尖雁過晴雲斷潮迴春水添曝書  
 香滿檻放竹綠侵簾遙憶京華客離懷此日兼

題文衡山枯木竹石

有石瘦而猗有木曠而爽木德誠支離石態六翮蹊踈竹  
列其傍恒作風雨響節々金鐵堅有直無曲枉繭紙雖云  
厚幾欲破成網衡山畫通神一筆含萬象命意咫尺間取  
勢在尋丈想當沈思時天地歸俛仰春風遍晴原百草盡  
滋長以中生趣多慎勿譏崛強

年窰墨注歌

國朝陶器美無匹邇來年窰稱第一不讓汝定官哥均何  
况永樂之坯宣德質即以墨注如玉壺下廣上弁豐而虛  
置之几席斑管俱隕糜一斗可以擘窠書清光淡々照硯  
北云是雨過天青古時色神螭躩踞繞其柄鐵足周遭黝  
如墨下有小篆曲录文觀者從此辨偽真君不見右軍臨  
池々水黑至今猶浸越山濕我欲從之挹殘汁

題倪鴻寶畫石二首

列宿光天閭墜地化為碧含意未得申寓此一拳石  
峩々聚孤岑如礫亦如塊中蘊太古心不與砒砒類

自三河歸至桃花口遇張少儀

我從無終來道里費登陟山光雖迢遙衣染蒼翠色行々  
桃峯林落蕊繞車軼之子適皇州相逢綠楊側嚶々黃鳥  
鳴古道如矢直輪蹄亦云同所恨南与北聚為歸岫雲散  
似隨風翼把臂復踟躕村烟晚相織

送循初歸秀水

津橋送遠客把酒酌鸚螺一夕分襟袂三年共嘯歌  
離亭新燕少歸路舊山多料得抽帆日南湖水似羅

屋南小築落成二首

城市非山林日有車馬跡結構為小園聊以息晨夕  
開軒避交衢置戶倚林隙所貴樸素材不尚丹與碧  
晴烟時近遠好風還絡繹薄暮竚高樓俯然謝物役

周廻數弓地循畝栽蘭蓀亦知取境窄所欣對衡門  
涼颼動疎葉暑館消炎暄吾親悅令序時々度輕軒  
巷間適芳膳草際開清樽云誰捧杖從實惟諸幼孫  
人生有至樂莫

若清與溫考槃如可誦永矢期勿諼

夏夜飲月明楸笛臺分賦得十二侵

晚風清夜色人外一開襟遠樹浮如薺閒雲疊似岑  
月移當榭影笛送隔街音但得終宵飲渾忘怯暑心

水西莊紅菱初熟泛舟採之三首

梧桐雨後晚涼多無數紅衣映綠波為愛小舟行處  
穩不辭親向短橋過

密葉如雲棹不開參差軟角簇成堆可知昨夜湘娥  
至遺下珊瑚珮玦來

藕節瓜瓢空自肥北僮以果見應稀晚臨池水循環  
剝幾

點青萍濕紵衣

少儀同張鴻勳李開地程軼青還吳詩以送之

離筵別酒太匆匆，秋色天涯悵莫同。沽水雁來蘆正白，吳江人去豆初紅。年華共喜隨肩近，賦詠爭誇斫地雄。後夜相思何處最，小樓明月一襟風。

秋日留別心穀魯存兄弟兼簡水西諸同學八首

之二

華亭張鳳孫少儀

壇坫于今氣不孤，簪裾寧足溷吾徒。寓公風致東西晉，地主才名大小蘓。獨惜翻飛隨海燕，那堪惆悵聽驪駒。臨歧一語還相勗，著述名山是令圖。

去脫衺衣著綵衣，老回游子是真歸。籬間黃菊經秋瘦，江上鱸魚入饌肥。小隱底須焚筆硯，不才長合倚庭闈。他年有道如相訪，雞黍留賓願未違。

沈錫讀書燈歌

循初來自由，拳城袖中貽我長明燈。方如方壺淨如雪，垂額如舟六如舌。南油中注無贏餘，夜々玉蟲燒不竭。我聞敬器半則平，過分以外多覆傾。茲燈何能獨持滿，汪々千頃含澄清。亦聞鴟夷以酒進，宛轉灌輸流不盡。茲燈何無灌輸勞，爝火終宵有留燼。由拳巧藝天下稀，茲燈規制尤神奇。况是東陽裔，孫作錫經百鍊。瑩鷓鴣由拳當年藝，第



一朱氏銀工楊氏漆枯槎杯筭勢連蜷鎗金盤匝繪織悉  
千百流傳一二無錫工惟剩黃家壺紛々土物各寶貴穀  
價不減張銅鑪後來之秀沈為最擬並前賢跨儕輩雁足  
無光鳳脰殘書臺惟爾堪長對歌成街鼓報三更簾底踈  
烟一穗青却憶辛勤車武子宵深何處拾流螢

送西顛歸錢塘

憶昔相逢鳳城裏雪花如席空中團銅街泥深凍車轍朔  
吹颯々侵肌寒攬袂喜得覩子面一咲不翅平生歡詎意  
良覲不終日我馬即入千蒼巖枯林封素萬籟寂翠屏削  
玉朝暎丹籠鞭歸時歲已暮有約君亦來征鞍人生作合

固有分而况臭味同荃蘭謳吟每共徹丙夜搜討更復忘  
晨餐韶華鼎鼎過流水海鴻三度南飛翰旅人忽興懷土  
念買舟一夕停河干固知此行原小別人曲不用悲絲彈  
臨觴未免黯然色欲起又止西風酸君家西泠烟水濶參  
差繞屋梅花攢歸去正及春信早暗香已透苔枝端會須  
芳訊速寄我莫遣冷落封書丸

謝墨田上人惠藍田香稻二首

乍聽朝檐鵲語譁旋聞門外響紫車鬱單洲上天成粟粒  
粒圓勻聚白華

謝子分來齋鉢前不愁厨冷減炊烟從今香滑流匙處錯

認藍田是玉田

冬日王雨楓過水西莊小集以旁舍連高竹踈籬帶  
晚卷平字為韻分賦得踈字

有客來燕市携書過艸廬凍雲低野樹寒港滯游魚境寂  
人逾淡交深跡似踈持杯還惜別斜日立踈蹻

寄樂兼思在平谷

挂月峰邊客淹留幾歲華打窓松子落拂檻茗烟斜清咏  
澄寒澗孤懷送晚霞相思紅樹隔望斷海天涯

食沙雞

塞外有異鳥其色黃而薦謂從沙土出色亦如沙然非鷄

非鷄非翠鴨形如山雞體如鴿有足三趾茸毛拳有尾準  
枝並莖插人言此是突厥雀性憨志急不共凡雀躍知雄  
守雌于道宜衆雄雖猛莫敢先雌馳何人携來入我竈妾  
手載燔載炙佐我鹿腸兔首牛尾狸搖牙大嚼快一飽更  
呼斗酒斟酌之在昔周公著爾雅冠雉名居釋禽下世無  
善讀爾雅人茲味雖佳知者寡人生嗜欲與歲新豹胎鳳  
肺六掇充常珍寧知異味多美彥食郎何必猩々唇此鳥  
雖竒韋無毒暖氣蒸騰補中腹重簾晝掩爐火温那畏嚴  
風射堅鏃聞道塞門雲氣陰々山臘雪今年深陰山深雪  
如堵沙雞來賤如土

春夜曲

凝香不散重簾靜簾外縱橫聚花影薄寒猶解剪紅衣一  
曲珊瑚鈎正冷隔院微聞絃索鳴嘈々切々遠含情美人  
自識翻新調不學當時子夜聲光陰荏苒如飛電海水東  
流無日轉遵渚初傳歸塞鴻雕梁又欲栖吳燕栖吳燕春  
將晚庭下殘紅吹漸滿秉燭狂游惜歲華露痕浸透羅衫  
短何處清歌聲未已蓮花杓小傾銀醴更籌幾換啼烏起  
月落西南淡如水

謝沈晚叔惠舊搨襖帖々係家聲山兄故物

當階轉花影天末層雲舒故人侍直暇遠寄雙鯉魚々中

何所有不僅加餐書贈我永和帖價敵千璫璵上鈐澹遠  
印歷々鈎丹硃我聞蘭亭本肥瘦常分途一百十七種在  
宋已各殊况復數百年輾轉多精粗縱有最善刻豈少榛  
與蕪以本極清澈毫髮無模糊稀疎秋蟬翼淡墨層々敷  
宛如清泠冽洗出明月珠又如銀塘水初透紅芙蓉吾宗  
老詹事鑒別波斯胡苟非至神品不肯輕誇譽感君漫相  
贈欲報慚瓊琚行當携硬黃日向明窓摹

和循初春夜送青軒聽雨韻

小廬寒淺夜虛明點滴簷流斷續更窻下殘梅曲瘦影燈  
前獨客按吟聲空階碧草因風長二月春筇帶雨鳴為想

來朝初霽後水西鶯語澀如笙

陳江皋小字阿平余泐私印贈之以詩見謝依韵和  
答

小名曾有錄乳石藉余鐫自古封胡貴何如養炬賢雕蟲  
刀未善索句袖先穿他日徵能事應隨平子傳

分賦得湖光山色樓送葛搢書還崑山以山川阻遠  
行李時通為韵得行字

淖湖窈而曲蘋葉綠湖生淖山秀且蔚松影綠山明伊人  
別我去遙歸西鹿城沙邊有微咏林際還獨行開門淖山  
近鼓櫂淖湖清莫厭登樓望燕南雲正平

寄少儀在武昌

迢遞荆門路相思逐暗潮傳聞吳苑客正溯楚江橈曉雨  
魚連市春風柳萬條離情与古意好為寄詩瓢

試五加皮茶

金鹽傳異草作飲更清虛試法同三沸騰光應五車幽香  
紅蕙似竒色翠螺如若作延年藥仙都定可居

題王石谷倣趙大年村居圖

十里連桑麻雞豚聚晨夕嵐光入戶牖樹影在墻壁滌  
夾隄水斜浸柳絲碧水鳥自去來茅堂自岑寂我有田居  
懷結想在阡陌披圖若故林宛對耕犁迹賢誰為此圖烏

目烟霞客仿古得其神毫端函古色由来萧曠意不僅筆  
與墨斯卷千秋留斯人不可得

雨中香雨席試百卷酒分賦得一東

微雨黯將夕濛濛雲暖空履聲來戶外燈影落杯中味似  
中冷釀香分衆卉功醉餘更漏靜殘滴響蕉鼓

寄李仁山在項城用杜少陵奉寄李十五秘書韻

綠暗中庭樹清陰撲袂來懷人憑折簡望遠忽登臺城隔  
袁公舊邦傳項子開經年梁月意馬首幾時回

答魯存見寄韻

山陰李元仁山

繞屋鳴乾鵲侵晨尺素來遙心通汴水良會憶蕪臺道

阻琴樽濶風高烟霧開匏瓜雖遠繫離夢已先回  
為曹曙瞻丈題滌湖漁隱圖

滌湖清且平風濤不傾險滌湖清且明烟月常漱灑嶼端  
先生老漁叟浮家恰近滌湖口菱絲十里隱瓜廬蘆葉千  
洲隔松牖持竿在漁叟繫艇在渙莊眼前無俗物沙鳥相  
追翔纖塵不起空群慮吟入垂楊最深處春鷓秋蟀久蕭  
閒歲月悠悠任來去君居滌湖側我住直沽西直沽水雖  
清不及滌湖肥他年買櫂秋涇路來伴先生坐釣磯  
伏日分賦得冰井臺

凌陰失舊典窟室有新涼赤日應難到元冥善自藏瓜香

浮碧檻桐影落銀床欲訪漳濱迹荒臺宿草長

夏晚雨中小丹梯消暑二首

兩徑少人跡凭闌縱目遙雲連沽口寺帆送海門潮涼意  
歸青簟繁靸碎白蕉不須三雅飲已覺滌炎熇  
顛倒檐花落當筵濺我襟斜風穿曲牖獨鳥入疎林石潤  
明苔迹樓高滯笛音支頤憐夜色剪燭續清吟

中元登海光寺樓寫望分賦得八庚

暑退涼初至登樓客思清魚簾橋外界稻壠寺前橫雲起  
連潮色風過帶磬聲佛香吹不斷斜日射孤城

秋夜坐讀畫廊對月懷搢書

夜深人語寂小院來清風仰觀明月光皎々當天中星河  
淡無際皓魄入簾櫳照我一樽酒々清天若空豈不願沉  
飲惜少良友同良友在何許玉山渺穹窿別時有殘鶯今  
已鳴暗蟲涼花媚靜砌衰草憐幽鼓登臺望吳會烟色昏  
濛々諒非參與辰愔情終可通魚書寄迢遞流水何時窮  
相思不能寐墜葉鳴疎桐

坐碧海浮螺亭督荅匠理秋卉

檢點秋光到水涯偶隨老圃坐薰葭半塘新漲漂菱葉一  
徑疎籬延豆花移植聊求記氏法遠畦莫認杜陵家得閒  
日涉還成趣更向平原學種瓜

為月東題七峰圖

周君愛古如愛山，搜羅不惜窮孱顏。舉眼欲出秦漢上，置身宜在邱壑間。昔年示我七峰之古印，土花斑斕含繡暈。余時曾作慷慨歌，題君壁上鴉成陣。今朝示我七峰之新圖，峻嶒怪石如犀株。墨痕都涵蒼翠色，彷彿雲霧相蟠紆。吾聞洞天有十山，其七乃是朱明耀真之洞天。中巖奇書數萬卷，君豈有意凌其巔。觀君七峰圖，續以七峰句。三山四岳自此去，何當更倩西巖添短亭。寫我從君來往處。

送吳思立先生之西安幕二首

傳經懷昔日，風雨隔南天。鼓棹來千里，離筵已六年。青山

晴樹外，白髮暮燈前。且盡侯芭酒，升沈總惘然。  
執手匆匆別，秋高班馬鳴。上書違北闕，垂老客西京。草沒函關路，河流渭水聲。定知憑弔處，剔蘚有題名。

題董思白秋林晴岫圖三首

雨後秋山一色鮮，競將空翠漲遙天。隔溪最愛楓林下，雁字橫排十數椽。

僧繇隱去睡龍歸，遺筆流傳世已稀。何事容臺多狡獪，也將丹碧化烟霏。

綠山紅樹苗佳句，夢裏窻前改舊觀。自有眉公題識在，一山應作兩山看。

宣德爐歌

宣皇昔日當升平重熙累洽瑤光明八方清寧四海靜疆  
場無警銷戈兵宮中聖人尚文事博攷雲壘訪傳器臣斌  
頒式臣崇遵上款俱摹宗時製倭源鉛錫暹羅銅渤泥紫  
礦如霞紅鑄錯何論六州鐵刻楮不僅三年工採蘭良辰  
日上已帝遣金人來曲水飛廉鼓鞞祥風和祝融司薪蒼  
燄起如神捧出三千爐三百六十五閏餘本色最珍蠟茶  
色小書尤重歐陽書上自宮廷下官府琳堂紺苑俱分與  
羣言寶氣聚如雲誰識黃金爍如土星散波移數百年土  
埋苔蝕蝸涎涎魯人贗鼎先後出甘南施北爭紛然聞來

偶為搜零落古色年深益斑駁雙魚百乳頗難求象首獅  
頭尚如昨當時賜器分羣官六卿之外惟身冠寧知小几  
低窻下反得流金雨雪看吾聞大禹鑄九鼎為燭山林魑  
魅影茲爐但取娛游觀玩物之言足深省何似空齋燕坐  
時胡桃紋炭火初吹閒徵裔代夔龍款勝閱衡山岫嶺碑  
食蟬和心穀伯兄韻二首

九月秋潮入浦低青筐紺甲滿空堤年々最愛黃卷候不  
論尖團盡凸臍

二螯八跪儼戈鋌少日曾吟勸學篇自向漁師來徃數底  
愁誤食咲遺編



聞雁懷曹古謙

木落霜清掩暮扉一繩征雁度斜暉沙邊影落通琴調天  
末聲高冷客衣索處最多儔侶感相思轉悔別離非故人  
家在分湖上目送南雲千里飛

書黃山谷蓄狸說拓本後

摩圍老人有奇氣落筆若若天驥少年得力蘭亭碑晚  
向黃龍悟三昧吾初操觚見公字癖嗜直過羨與裁規模  
尤愛蓄狸篇腕力深沉意英鷲尾題紹聖庭堅記此歲黔  
州始安置新聲遍唱歌羅詞幽夢遙通夜郎地嗟公此日  
升切利惟剩遺縑播人世莫道雙鈎舊勢微筆材猶識吳

無至

以下梨餉劉紫仙并詩二首

玉雪含仙液金花聚碎星如拳渾可愛何必重于瓶  
伯倫時頌酒此日閑闕無醉擘昌黎味應知大谷麤

憶西山普覺寺有懷青崖上人

凍雲含雪冷西山回首秋風彈指間退谷亭邊泉脉細娑  
羅樹底鉢聲聞黃花前度參微妙白社他年訂往還遙想  
瘦筇應更健吟成日夕步屨顏

寄佛日上人

巖飈吹百卉冷入消瘦衣山僧別來久遠念生調飢憶昨

相見初趺坐面翠微各論內外旨黃葉當頭飛門前高梁  
水清澈縈烟霏近知河凍合旭日激寒輝鐘魚聲隱々百  
里紫車違何當振袂去再扣山中扉

喜申及甫自都下至分賦得九青

寒光侵戶晝冥冥忽報征車沾水停梅透春風圍小閣人  
隨臘雪到閒庭眼前誰市千金駿座上休辜雙玉瓶更喜  
卜鄰償夙諾吟成應許百回聽

初至天津喜晤心穀魯存昆季及屋南小築諸子

分賦得十三覃

江都申甫及甫

西風忽許駐征驂豈意維摩便有庵詩思雪前連雪後

梅花枝北又枝南相逢何異魚同隊良會真如髮聚簪  
莫咲闌年容易盡消寒好共爨雲藍

次韻答家見初兄病中見寄作

天末同雲鬱不舒尺緘遙至歲將除高眠漫說清羸甚佳  
句偏教玉雪如一咲眉申王輔國二分腰瘦沈尚書鄉關  
莫賦思歸引早晚承明侍直廬

對酒二首

日車東西馳千里無停馭朝懸扶桑枝轉瞬柳谷暮我思  
古初人秉志何貞固結屋烟霞鄰聳身鸞雀步高歌出金  
石清咏托毫素豈無泥與滓明鏡不可汙秋蘭在皋澤寐

莫幽芬布涼風倏已吹  
靜葉泣清露采采欲遺誰  
躊躇委中路

龍淵非鈍質冶自南山金  
未逢薛燭識常向延津沉  
北風蘋末起輾轉吹霜林  
瑟居感蕭颯坐起懷素心  
素心渺何許河漢廣且深  
衝波阻去楫遙夢難為尋  
臨觴多惋悵仰面嗟商參  
誰吟白雪唱撫我無絃琴

題王澹游歲寒三友圖

嚴風吹雪如稷珠打門忽  
致歲寒圖健筆峻嶒氣盤  
礴傳是金源人所作蕭々  
老竹踈而清梅花數點如  
雪明惟有孤松夭矯不可  
究中間截斷駭若蛟龍爭  
誰舒銀鈎跋紙

尾歐陽原功雲林子含譏  
獨有黃雀樵謂其梅蕊異  
我江南梢寧知畫家貴意  
不貴似此語無乃空喧呶  
寂後雙井村人賦遺句流  
覽前賢多企暮月寒似聽  
維山笙遠與歐覩共追步  
憶昔金源全盛時明昌尤  
號中興期晏閒恒舉玉堂  
事輕紈細綺春淋漓黃華  
山主承恩重綈几彤墀常  
供奉遺文已許歲蘭臺御  
墨還聞賜鸞鳳篤生賢子  
惟澹游親承家法仍箕裘  
即今流傳已閱數百載生  
氣郁々猶射溲清眸嗚呼  
雲烟過眼無停瞬尤物尤  
為天所吝君不見真定當  
年十襲歲至今惟剩棠村  
印

大正

上海圖書館藏

